

# Unikl RCMP beri khidmat di Perkampungan Orang Asli Tasik Banding

ZAHAIMI ABDULLAH SANI, Unikl

**GERIK** - Seramai 30 warga Unikl Royal College of Medicine Perak (RCMP) dan 3 orang kakitangan Yayasan Malaysian Recourses Corporation Sdn Bhd (MRCB) mendekati masyarakat Orang Asli suku kaum Jahai di Kampung Sungai Kejar dan Kampung Sungai Tahau, di Tasik Banding, Royal Belum, di sini. Penasihat program khidmat

masyarakat Profesor Dr. Abdul Karim Russ Hassan berkata, hubungan Unikl RCMP dengan masyarakat orang asli Jahai di Kampung Sungai Kejar dan Kampung Sungai di Hutan Negeri Royal Belum semakin baik bahkan kedatangan warga Unikl RCMP dinanti-nantikan.

Katanya, setiap tahun pihaknya akan ke kawasan itu untuk melakukan pemeriksaan kesihatan untuk mengkaji dan melihat tahap

kesihatan penduduk di Kampung Sungai Kejar dan Kampung Sungai Tahau selain memberi sumbangan keperluan dapur.

Tambahnya, hasil daripada kajian yang dijalankan, rata-rata penduduk Orang Asli di sini mengalami penyakit kulit terutamanya panau dan penghakisan melanin pada kulit disebabkan tahap kebersihan yang rendah selain orang lelaki di sini mengalami batuk yang berpanjangan akibat kuat merokok.

"Saya juga berhasrat untuk kembali dengan membawa beberapa orang pelajar Unikl yang mahir dalam bidang kejuruteraan bertujuan memasang tenaga solar untuk kegunaan penduduk agar tidak lagi bergelap pada malam hari," katanya.

Ketua Jabatan Pembangunan Pelajar, Ustaz Muhammad Iqbal Samadi berkata program ini adalah kerjasama di antara



**SEBAHAGIAN** warga Unikl RCMP dan kakitangan MRCB mendekati masyarakat Orang Asli di Tasik Banding.

Kelab Medical Society Unikl RCMP (MedSoc) dengan Yayasan Malaysian Recourses Corporation Sdn Bhd (MRCB).

"Unikl RCMP mengucapkan ribuan terima kasih kepada Yayasan MRCB yang bermurah hati menaja program

khidmat masyarakat ini.

"Objektif utama program khidmat masyarakat ini adalah untuk melahirkan mahasiswa holistik bukan sahaja cemerlang dalam aspek akademik malah mempunyai karakter, integriti serta sahsiah peribadi unggul," katanya.

21062090202  
Maklumat vanid  
berdasarkan laporan